



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1611. usque ad annum 1617

**Fleury, Claude**

**August. Vind. [u.a.], 1777**

**VD18 90118898**

§. 88. Petri Strozzæ responsum nomine Pontificis ad has Literas datum.

---

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. A. C. 1615. *vero in hoc regno aliqua videris tuo obsequio & voluntati gratiosa, jubeat Altitudo tua, quoniam ut voluntati tuæ respondeamus, totis viribus adimplebimus.*

*Hæc autem licet exigua sint dona, quia tamen ex longinqua regione adveniunt, cum reverentia & timore pauca ex Japonia tibi offero, in omnibus aliis nos remittimus ad prædictum Patrem Sotelo, & Equitem Rotuyemon, & ea quæ ex parte nostra tractaverint, & rata fecerint, ipsa & rata esse volumus. Ex civitate & Curia nostra Fendai anno decimo octavo ætatis Quecho quarto, die lunæ novæ, id est, anno salutis millesimo sexcentesimo tertio decimo pridie nonas Octobris.*

## §. LXXXVIII.

*Petri Strozzeæ responsum nomine Pontificis ad has literas datum.*

*Bald. l. c.  
Argentre  
Concl. &  
jud. Facult.  
Paris. tom. 3.  
pag. 100.  
Abrege  
chronol. de  
l'hist. Eccl.  
tom. 3. 1617.*

**R**ecitatis hisce literis P. Gregorius Petrocha Ordinis FF. Minorum Japonensis hujus Regis, Legatorumque nomine alium habuit sermonem, quo absoluto Petrus Strozza summi Pontificis Secretarius Apostolicus eleganti oratione Legatis gratulabatur, quod ipsorum Rex divini amoris ardore succensus Christianam fidem receperit, & adhuc Cathecumenus fidei propagationem, verumque Dei cultum apud gentem suam

suam summo Zelo curaverit, illosque eadem de causa ad Sanctam Apostolicam Sedem ablegarit, *Gaudet summo-  
pere Sanctitas sua, prosequatur Petrus,  
& Deo gratias ingentes agit, quod ministe-  
rii sui Apostolici tempore, Christi Domini  
Evangelium feliciter audiri in Orientalibus  
Japonicæ partibus cæperit, ejusque reinnun-  
tium allatum esse trigesimo tertio anno, post-  
quam ex occidentalibus illius amplissimæ In-  
sulæ regionibus primi Christianorum ad  
summum Pontificem legati navem conscen-  
derunt, quasi vero spes, quæ affulserat ab-  
solvendi per totum terrarum orbem prædi-  
cationis Evangelicæ circulum, adimpleri,  
ac perfici debuerit mysteriosa annorum pe-  
riodo, quam humani generis Redemptor in  
terris peregrinari dignatus est, divina igitur  
misericordia fretus, Sanctissimus Do-  
minus Noster utique sperat, Regem Idatem  
quantocyus candidam ex fonte Sacri bap-  
tismatis vestem sumpturum, sicut ad ejus ani-  
mæ salutem illum efficacissime hortatur,  
qua fiducia amantissime recipit una cum  
his Venerabilibus Fratribus suis S. R. E.  
Cardinalibus hanc ejus piæ voluntatis de-  
clarationem, delatumque per vos sibi, ac ve-  
nerationem, Et Deum toto cordis affectu  
precatur, ut per immensam ejus bonitatem  
perficiat, quod per ineffabilem suam clemen-  
tiam in Rege Idate incepit, nihil & ipse  
interea*

Sæc. XVII. *interea prætermittitur, ut quantum cum A. C. 1615. Domino fieri poterit, ipsius Regis piis ac justis desideriis satisfiat, subjectorumque ei populorum spirituali solatio opportune prospiciatur. His peractis Legati denuo summi Pontificis pedes religioso osculo venerantes, itidem ad suos perhonorifice remissi sunt. Petrus vero Strozza disputationem de dogmatibus Chaldæorum, quam cum Babylonæ Patriarcha habuit, typis edidit unacum commentario de reconciliandis eorum dogmatibus, cum veritate Catholica; utramque vero lucubrationem, Roma ad Parisinæ Facultatis Doctores die decima Januarii anno 1617. transmisit, eo consilio, ut si ipsis forte fuissent ignota Chaldæorum dogmata, ex ipsis innotescerent; Et ipse erratorum suorum correctionem benigne ab eorum humanitate accipere posset, vel aliquam saltem admonitionem, lætaturus, si hoc saltem nomine eum inter suos discipulos connumerare vellent. Ad eum autem eadem Facultas die prima Aprilis eodem anno perhonorifice respondit, adjecta supplicatione, ut summum Pontificem de Facultatis Parisiensis vere Catholica fidelitate, honore, ac reverentia filiali necnon de obedientia prorsus religiosissima certiolem facere dignetur, quibus in æternum super omnem Orbis Christiani Facultatem Theologicam illum suscipere*

scipere, & supremum in terris Christi Sæc. XVII.  
 Vicarium agnoscere, ac venerari desiderat. A. C. 1615.

## §. LXXXIX.

*Babylonicæ Patriarcha cum suo grege  
 ad Catholicam fidem reversus.*

Sub primis auspiciis Pontificatus Pauli V. nonnulli Orientales, ex Bzovius in vita Pauli V. Babylonia, exiguo quodam soli, quod prius hæ hujus nominis Chaldæorum urbi finitimum est, tractu Romam pervenerant. Hi populi Christi quidem cultam præseferabant, Nestorii tamen, & Pauli Samosatani erroribus vitiatum: cum autem hi advenæ in illa Hebdomada, quam *Sanctam* seu *Majorem* dicunt, divinæ Passionis mysteria summo pietatis affectu celebrari, ipsumque summum Pontificem ipsis omnibus, aliisque pauperibus pedes abluentem, necnon mensæ accumbentibus pie ac Religiose deservientem cernerent, tam mysteriorum magnitudine, quam Pontificis humilitate, ac Religione expugnati, purioris doctrinæ desiderium concepere, quo inflammati, cum in patriam rediissent, tantopere Catholicæ fidei sanctitatem deprædicabant, ut Elias, qui per hos annos Babylonicæ Patriarcha erat, protinus Legatos Romam ablegaret, supplex, ut sicut ipsi